

ՏԱՀԻՐ ՀԱՄԱՅՆՔԻ ՂԵԿԱՎԱՐԻ ՇՆՈՐՀԱՎՈՐԱԿԱՆ ՈՒՂԵՐՁԸ ԱԶԳԱՅԻՆ
ԱՆՎՏԱՆԳՈՒԹՅԱՆ ՄԱՐՄԻՆՆԵՐԻ ԱՇԽԱՏՈՂԻ ՕՐՎԱ ԱՌԹԻՎ

Ազգային անվտանգության մարմինների հարգելի՛ աշխատողներ,

Շնորհավորում եմ ձեզ և համակարգի վետերաններին մասնագիտական տոնի
կապակցությամբ:

Ձեր ծառայությունը պետության անվտանգության համակարգի առանցքային
հենասյուներից է: Օր օրի, բարձր պատասխանատվությամբ ու մասնագիտական
նվիրումով իրականացնելով Ձեր բարդ և կարևոր առաքելությունը՝ Դուք կանգնած
եք Հայաստանի Հանրապետության պետականության, սահմանադրական կարգի,
ազգային շահերի և քաղաքացիների անվտանգության պաշտպանության
առաջնագծում:

Ձեր աննկատ, սակայն վճռորոշ աշխատանքը պահանջում է բարձր
պատրաստվածություն, սկզբունքայնություն, անձնական տոկունություն և
հայրենասիրություն: Այդ արժեքների շնորհիվ է, որ մեր պետությունը դիմագրավում
է ժամանակի մարտահրավերներին և ամրապնդում անվտանգության համակարգը:

Մաղթում եմ ձեզ ամուր առողջություն, անսպառ ուժ ու կամք, ծառայողական
հաջողություններ և անվտանգ ծառայություն՝ ի բարօրություն մեր պետության և
Ժողովրդի:

Թող ձեր ամենօրյա աշխատանքը լինի գնահատված, իսկ հայրենիքին ծառայելու
ճանապարհը՝ խաղաղ և արժանապատիվ: